

長治縣志

第卷首

疆域 鄉鎮 山川

城池 街道 祠廟

衙署 文廟 八景

重脩長治縣志序



天下府州縣之有志所以徵
文考獻由來尚矣固非
但紀城郭之建置著山
水之名稱臚列其風土
物產侈潤色而大述譽

美也蓋將以前事為後
事之師施其教養以遂
民生以正民俗其所繫者
甚大是以周官有土訓
掌道地番以詔地事有
誦訓掌道方志以詔觀

事推此意則凡有守土牧
民之責者地番方志願可
漠然不加之意乎長治古
黎國自秦漢建明為郡
為州既而為府而縣倚
郭焉同治中余從軍勦

擒匪張總愚既平督隊西
出關道經此窺覽山川
之雄勝所謂據高設險
與天為黨者流連久之
增人壯思不意事有前
因迺於光緒癸巳春來

典是郡與同僚朝夕勤
求深懼無以為理每
參考志乘莫得師資之
助願縣志失脩自乾隆二
十八年以來百有餘歲政
俗有得失利弊有輕重

人物有豐耗其教在官
牘私書以及邦人之傳聞
賄記者不及時搜輯來
訪久且泯沒不可得知自
光緒己卯歲經
前大中丞曾志襄公檄

飭各屬舉辦邑乘於是
邑宰銅仁李君幹臣首
倡其事繼之者為徐君萬
南徐君熙亭蔡君黼宸
雖編纂既列規模粗具
而或以經費不足心其

役或以蒞任未久去其官
十餘年尚未告厥成功
會余來守是郡中州白
君永熙實領此縣急其事
商之於余曰然是不可
緩也爰迪籌經費設官

局仍延請鄉宦名孝廉
襄垣教諭楊秋涓先生
為之載華邑孝廉郭
君寶清等而分理之
經領既切乎而白君又調任
洪洞後至者桂林馬君

保三相與賡續訂證條
別件繫次第編纂閱數
月歲事將付剞劂尚序
於余愧膏學昌敢率
言以弁首然喜是志之成
有裨於政治誠使官斯土

者詳稽本末職思其
居效其得而戒其失
興其利而革其弊而
於人物盈虛消長之
故切究而彌衷心焉庶
幾稱父母斯民之意此

余所嘗與馬君勉之又
勉者且以教告將來知
此志非徒然記錄固蘄
於周官地事觀事之首
激有合也云尔故不得
辭而為之序

光緒二十年歲在甲午夏
欽加鹽運使銜在任候補道知潞安
府事林之北應城陳澤霖敬謹



續脩長治縣志序

作事者必先謀始尤貴
成終然世之樂於謀始
而難與圖終者往、然
也書曰政貴有恆又曰
為山九仞功虧一簣非

長治縣志

卷之首序

欲為政者遇事務要其
成哉溯長治之為縣建
於前明嘉靖十年縣之
有志創於萬曆十六年
一脩於

國朝康熙十二年再脩於乾

隆二十八年迄於今又百有
餘年矣而此百二十餘年
中同治時髮捻竄擾光
緒初大祲頻仍生斯際
者未嘗不興懷世運感
時事之變遷也若不取

邑乘而及時補脩備加
編增將歲月愈久採訪
益難不且坐令文獻淪
亡忠義節烈無由傳因
革損益無由考又何以
備輜軒之采起觀感於

斯民乎噫續脩之舉所
關誠非淺鮮也適於光
緒五年

前爵撫憲曾奏請補
脩全晉通志札飭所在
州縣各編續志以備採

擇維時紛一設局為一時
盛舉然其中有不數月
而成編者有閱數年而
後歲事者蓋地有貧
富事有難易也長治
續志脫稿亦已有年然

東之高閭未及刊刻則曷
以故治邑為潞郡附郭
地稱天下脊土脈瘠薄
家鮮素封甫過奇荒元
氣未復蕪之類年以來
勉應外有賑捐閭閻益

形艱窘余於去歲奏

補斯缺下車後詢知續

志一事亟欲設法開雕

旋以閩外偏灾籌捐濟

賑民力幾何碍難並舉

尚幸連年豐稔歲熟

時和因與邑之紳耆交
相籌畫各為輸將立出
全稿付之剞劂不日即可
有成諸紳耆來問叙於
余因思脩志要務也亦
令之責也其所以紀政

治觀風化示勸懲者誠
不容或已矣此邑之脩

經始於李君頴成編於
徐君林先後歷李君其
滋蔡君世佐諸公皆以缺
於贊無由鐫刻殆所謂一

簣之虧歟余不敏濫廁
守土於光緒八年宰壽
陽時續志之修亦既脫
稿以經費支絀而中止
余首為捐廩付之手民
以竟其功今葺長治又

以久輯未刊之志乃籌
鋟板相與有成是補修
兩邑之志余雖未身親其
事而兩乘之所以壽諸梨
棗者寔屬於余則斯志
之信今傳後得以昭茲來

許者殆亦非偶然也余蓋
樂與此邦人士聿觀厥
成也是為叙

光緒十有九年歲次癸
巳小陽月

賜進士出身在任候補直隸

州調補平陽府洪洞縣知
長治縣事武安白祖讓
並書



續脩長治縣志

國有史邑有志所以昭往
蹟示來茲垂法戒寓勸懲
典甚鉅也而其制昉於禹
貢職方故九州五服田賦
山川以及草木貢篚之細

長治縣志

表之首序

一

靡不畢載而周官小史掌
邦國之志外史掌四方之
志志即史也以觀民風以
察吏治膺民社之責者以
時考事次其闕失式備一
方之史典章存焉教化寫